



## 客家採茶大戲《大禹治水》（海陸腔）

### 【序幕】

△幕後：眾工人拿鋤、揸擔工作个

#### 唱【散平板】

大禹功勞，遍寰宇、誰人不曉。只因為、大公無私、千秋皎皎。短調長歌付絲竹，古今相去知多少。借山歌婉轉諷古今，採茶調。

正是：姒文命煞猛治洪水，塗女嬌賢淑顧嬰兒。教黎民掣秧種五穀，分九州天下免流離！

### 【第一場 洪水滔天】

場景：雷電交加个田野

人物：眾舞者、大禹、伯益、后稷、工人、山神、蛟龍

△眾舞者上

△雷電交加个震撼，強烈快速个節奏。忽明忽暗个燈光，群舞者跳等百姓个恐慌摻逃命情景，一幅「人摻天爭」个場面

民眾：（合唱【快山歌子】）

浩浩洪水天上來，  
蕩蕩漫山又蔭田，  
派絲治水已九年，  
水災還係照樣淘天。  
龍心怒將絲來充軍羽山巔，  
又命絲子禹導百川，  
人民飢餓內心憂煎，  
何日做得重見青天？

△眾舞者下，眾民眾上。水漸退去，緩慢哀慟个音樂，淒涼个景色

細人仔甲：（白）阿姆！阿姆！妳在哪？阿姆！阿姆！妳在哪？（尋毋著，當心焦）

民眾乙：（白）阿興啊！阿興啊！你在哪？（坐等竹排，到處尋厥俵仔）

民眾丙：（白）該在這下水有較退了，愛來尋兜樹根來充饑！

民眾丁：（白）偌乜愛來尋兜仔死魚仔轉去做魚醃好來傍飯！

民眾戊：（白）吾屋分大水打淨淨仰結煞正好？

民眾己：（白）吾一網个豬嫲子乜分水浸死去。

民眾：（合唱【大埔調】）

洪水橫流浸忒了鄉土，  
房屋下畜都打走，  
一家失散尋毋著親人，  
從今生活多辛苦。

咬薑啜醋來度春秋，  
乘坐竹排水上浮游，  
忍飢受凍又過八秋，  
百姓苦難愛幾時休？

△眾人下

△大禹、伯益、后稷、工人上，有人拿斧頭，有人揸擔

大禹：（白）走哇！奉旨平水患，日夜不休息。在下大禹，本姓姁，名文命。家父鯀治水無功，分皇帝流放甚至處死，帝舜命我繼承父業繼續治水。愛下山个時節，師父也有送偌兩件寶一開山斧膠避水針，好來治平洪水。來在黃河邊，眾位兄弟人恩俚遽遽做事哩！

工人：（白）是！

大禹：（白）伯益，你帶等兄弟去將有兜樹仔斬下來，好來開闢道路。（伯益帶等兄弟斬樹仔）后稷，你去測量測量地形。（后稷拿等尺測量地形）大家較打拚兜仔喔！

眾人：（齊唸【數板】，動作整齊工作介）

走哇走哇走哇走，一步一步向前走，趕遽到工地，元氣精神抖。  
開啲開啲開啲開，一窟一窟向前開，直到龍門口，除障永無害。  
挖哇挖哇挖哇哇，一鋤一鋤向前挖，伐林挖圳溝，水平早回家。

△眾人下，山神、蛟龍上

山神：（唸）鎮守龍門山，日夜無時間。

蛟龍：（唸）田園任我漫，波濤任我翻。

山神：（白）本山神胡禮（糊里）。

蛟龍：（白）本龍王胡圖（糊塗）。

山神：（白）偌講胡圖哇！恩兩人在這韓城、河津之間戴了幾下萬年，偌管偌个山，你管若河壩，日仔算來過著異逍遙又自在。尤其係你，心情好个時節，風平浪靜；心情毋好个時節，就分巨大水橫流，人仰馬翻，呼天搶地，幾威風！聽講最近來一隻安到大禹个人，頭腦好又有智慧，講麼个愛來開山挖圳，仰結煞正好？

蛟龍：（白）正經？佢兜正經係「井底个虫另仔」一毋知天高地厚。毋使驚，俗語講得好「時到時當無米就煮番薯湯」！無來就罷了，假使來，恩就「水來土掩，兵來將擋。」

△大禹、伯益、后稷、工人上

工人甲：（白）大哥，這座龍門山忒敲！損壞了不少个石器、木器、骨器个工具！

工人乙：（白）人个損失更大，有人分山石笨死，有人上山个時節跌死忒，有人分大浪捲走去……

伯益：（白）仰結煞正好？

大禹：（白）好，偃來用「開山神斧」將這座山撈佢劈開來，又再過用「避水神針」將水分流。（劈山个）一、二、劈！一、二、劈！（山石落下个）待看我一法（水分流个）

△山神、蛟龍上

山神：（白）好哇！麼人恁大膽，敢在太歲頭上動土？

蛟龍：（白）好哇！麼人恁大膽，敢大鬧吾龍王宮？

大禹：（白）敗勢！偃兜係治水个工人。敢問……

山神：（白）山神胡禮。

蛟龍：（白）河神胡圖。

大禹：（白）你這座山係秦嶺个餘脈，山勢高又敲，往往會將水塞著，大水暴漲个時節，常常將人畜、屋仔打走。十過年來，百姓流離失所，生活艱苦。係毋係請兩位大王大發慈悲救救衰過个百姓，讓偃兜開鑿龍門口，好分水順利个流向大海？

山神：（白）偃做偃个山神，百姓个生死撈偃有麼个關係！

蛟龍：（白）水分你兜治好，該偃就無戲唱啦！

大禹：（白）可憤！兩隻糊裡糊塗、無人性个「人渣」！

山神、蛟龍：（白）偃兜本來就毋係人！

大禹：（白）可惱！無走看打。

△山神、伯益對打个，山神勝，過場

△蛟龍、后稷對打个，后稷勝，過場。蛟龍拿大哥大求援个，對話用河洛語

蛟龍：喂！喂！喂！係水晶宮無？

內：（白）毋係，係總統府！

蛟龍：喂！喂！喂！係水晶宮無？

內：（白）係！大王有「蝦米代誌」（什麼事情）？

蛟龍：（白）請蝦兵蟹將緊來「鬥三工」（幫忙）！

內：（白）在叨位？

蛟龍：（白）在臺北市開封街一〇〇號！

內：（白）Ok! no problem!

△后稷、蝦兵蟹將對打个，蝦兵蟹將敗走

△山神、大禹對打个

大禹：（白）看吾開山斧个厲害！

山神：（白）哎呀！不好了！

△山神被禹劈忒一隻大手臂，痛苦个逃走，龍門山拈時變兩析

△蛟龍上

大禹：（白）看吾避水針个厲害！

蛟龍：（白）啊！吾目珠！（蛟龍揸等目珠洩走，水黏時分流）

大禹：（白）忒好了！忒好了！

伯益：（白）恩就將這龍門安到「禹門口」！

大禹：（白）眾位兄弟，恩繼續趕工喔！

△眾人下

## 【第二場 塗山成婚】

場景：山景

人物：九尾白狐狸、塗山女、塗山女阿舅、塗山女舅姆

△九尾白狐狸、塗山女上

△九條尾巴个狐狸全身雪白，當得人惜，當知人性，在該跳舞

九尾狐：（唱【剪剪花】）

山中哪啊修煉呀歸呀千哪啊年哪嘜啲，  
愛助大大禹剪剪花嘜啲平水啊啊患嘜啲！

△九尾狐引領塗山女上

塗山女：（接唱【剪剪花】）

奴家哪啊年華呀正呀二哪啊八哪嘜啲，  
愛配才子剪剪花嘜啲姍文啊啊命嘜啲！

（白）小奴，塗氏名女嬌，戴在這紹興塗山个位所，人人喊佢「塗山女」。佢家財萬貫，可惜從小父母雙亡，只好跔阿舅摺舅姆。先日，師父識交代講佢摺大禹有公婆緣分，並命九尾狐愛助他一臂之力，好來完成治水大業。只不過至今不知大禹生來仰般？他在何方？真是令人憂愁哇！

九尾狐：（白）聽講大禹奉舜命治水，深入山林，斬木通道，測定地形，躬持斧鑿，櫛風沐雨，日以繼夜。從山西龍門口一直開挖，馬上就會到塗山來啲！

塗山女：（白）正經？看今日天氣異晴和，不免到禾埕行行阿咧！（狐妹帶路哇！）

（唱【桃花開】）

桃花開來菊花黃，  
微風吹送陣陣香，  
一來愛看好風景，  
二來愛察民俗情，  
好正好，三來愛尋姍文命得啲！

△大禹上，大禹摺塗山女不期而遇，兩人相視，目不轉睛。九尾狐用手巾作弄大禹

九尾狐：（白）嘿！你這個人仰般毋識看過細阿妹仔係無？仰般看到發啄呆！

△大禹摺塗山女回神過來

塗山女：（白）狐妹不得無禮！

大禹：（白）失禮！失禮！請問小姐芳名？

塗山女：（白）塗山女，名女嬌。不知公子係…

大禹：（白）佢姓姍名文命。奉舜命治理黃河水患，途經這塗山个位所…

塗山女：（唱【山歌子】）

奴家生長塗山下，  
豆蔻年華未婚嫁，  
有意與你結連理，  
助你治水興旺家。

大禹：（接唱）

小姐生來好容華，  
在下三十大零也未成家，  
我本有意執子之手，  
奈何民不聊生仰般成家？

△伯益、后稷、工人等上

伯益：（白）大哥啊，大哥，大家在該尋你，原來你在這摺細阿姐談戀愛？（看九尾狐）啊哈！（拍手，大喊）忒好口也！忒好口也！

大禹：（白）你看著鬼係無？喊著大聲合細聲！

伯益：（白）僱聽講麼人看見九尾狐白狐狸，麼人就會做皇帝！

大禹：（白）僱正無想做皇帝，只愛黎民百姓能夠脫離水患、安居樂業僱就滿足了。

后稷：（白）僱乜有聽講麼人討了塗山女，麼人就會家道興旺！

伯益、后稷：（白）既然堵著九尾狐摺塗山女，做得講係「著水衣又戴笠」一萬無一失，大哥你就安心个摺塗小姐成婚啊！

后稷：（白）做毋得啦！水都未治平，仰做得為著兒女私情耽誤著治水大業呢？

伯益、后稷：（白）啞狗上課一無問題呀，治水、結婚兩件事情毋會衝突啦！

塗山女：（白）係啦！吾師父識交代講恩兩人有宿世姻緣。

伯益：（白）係啦！大哥你毋使愁慮恁多啦！來來來！落來！

△塗山女阿舅、塗山女舅姆上，進入屋肚拿一坵紅布將塗山女頭拿蓋上，九尾狐牽著塗山女，動起鼓樂

伯益：（白）簡單簡單个拜下來。一拜天地，二拜高堂，夫妻對拜送入洞房。

△大禹、塗山女、塗山女阿舅、塗山女舅姆、九尾狐下

后稷：（白）瞞著大哥大喜个假期，恩兜來將畚箕整整仔，鏝頭來磨磨仔，還過勾搭愛做加幾副。（眾人整理農具介）

伯益：（白）係呀！路遙，你去將沙鏟个沙仔、泥仔刮較淨兜仔，無會生鹵忒！馬力，你乜去摺鏟仔个沙仔、泥仔刮較淨兜仔！

△眾人無間个于

△新婚四日後

△大禹、塗山女、塗山女阿舅、塗山女舅姆、九尾狐上。大禹向塗山女以及厥家人不捨个告別

大禹：（白）阿舅、舅姆、女嬌，僱兜愛告別了！

阿舅、舅姆：（白）治水要緊，僱兜也毋敢久留。

塗山女：（白）丈夫哇！恩俚正結婚四日定定，你就愛離開？你敢走得開腳？

大禹：（白）救人一命勝造七級浮屠，治水要緊，無遽走做毋得！

塗山女：（白）既然恁樣，僱毋敢留你，僱送你一程！

大禹：（白）吾好賢妻！

△大禹等一批人行出門，塗氏等送行，揮手道別

塗山女：（唱【送郎腔】）

送郎送到門段下，  
目汁流來衫袖遮，

夫郎出外去治水，  
希望早日轉回家。

大禹：（白）偃知啦（接唱【送郎腔】）

賢妻送偃出屋下，  
偃今到處為國家，  
多得三五年个時光，  
治平洪水偃會轉屋下。

塗山女：（白）愛記得啲！（唱【老腔平板】）

送郎一崗又一崗，  
幾句言語勸夫郎，  
路邊野花夫莫採，  
記得家中梅花香，  
夫正夫，  
記得家中梅花香。

大禹：（接唱【老腔平板】）

金言良語記在心，  
搭心搭肝恩兩人，  
心肝有個賢妻在，  
斜眼毋敢亂看人，  
妻正妻，  
斜眼毋敢亂看人。

（白）妳好去轉嘍！

塗山女：（白）愛跔你去啦！

大禹：（白）做毋得啦！各位拜別啦！

△大禹、伯益、后稷等離去

塗山女：（白）夫哇！夫哇！

△眾人下

### 【第三場 河伯贈圖】

場景：黃河邊

人物：河伯馮夷、后羿、大禹、伯益、后稷

△河伯馮夷上，一手拿酒壺，一手拿河圖

河伯：（唱【撐渡船】）

臘鴨拿來呵呵，  
還係傍燒酒來呵呵，  
還係傍燒哪酒喔，  
單身哥無老婆，  
還係異呀自由啲！

新畫河圖呵呵，  
還係畫水情來呵呵，  
還係畫水情來喲，  
愛等待該有緣人，  
治洪水該隻姍文喔命喲！

(白) 在下，馮夷。後生時節一心想愛成仙，聽人講啱了一百日个水仙花个汁就做得變仙，故所係就長透渡黃河、過黃河尋水仙花汁。係啱了九十九日个花汁，眼看就愛成仙咧，告知黃河河水暴漲，河邊跑馬一壞蹄咧，害係續分水浸死去。係毋甘願走去告狀，玉帝同情係分係做黃河伯公。為著愛治理黃河係就摺吾拜兄后老漢兩人翻山越嶺去畫黃河个水情圖。可惜个係河圖雖然畫好，后老漢也身亡咧，故所厥俵仔后羿也對係當毋諒解。係自家也年紀老邁無辦法完成治水工作，人人都罵係無盡責任，係只好困起來幾下年。聽講大禹帶等開山斧、避水劍來到黃河邊，待我在此等候他。

△后羿上，手拿弓箭

河伯：(白) 喂，你係麼儕？

后羿：(白) 你係麼人？

河伯：(白) 係係黃河伯公。你係大禹麼？

后羿：(后羿一聽係河伯，當火著，冷笑一聲)

(白) 就係大禹。

△咻一聲，射中河伯个左眼

河伯：(白) 唉喲！(拔箭撫目) 痛死係！大禹這隻混帳，不講道理！(想愛扯圖)

△大禹上，死捕等后羿

大禹：(白) 河伯，毋好扯圖。係正係大禹。

△大禹、后羿等行近河伯

后羿：(白) 敗勢，係係誤會你咧。聽大禹講係正知若心意！

河伯：(白) 你原來係后老漢个俵仔，係無怪怨你。來來來！大禹，吾心血摺治河个方法都在這張圖上，現下就分你。

大禹：(展圖看)(白) 圖上密密麻麻，圈圈點點，把黃河上上下下、左左右右个水情畫得清清楚楚，真是忒好了！忒好了！(一舉頭，河伯早跳入黃河去了) 多謝……伯……公，啊？伯公走咧？眾位兄弟有這張黃河水情圖，做得講係「三隻手指檢田螺」一十拿九穩，治水个工作穩當咧！

伯益：(接看圖) 毋會爭差，你兜看黃河哪位深？哪位淺？哪位好沖堤？哪位易決口？哪位愛挖？哪位愛堵？哪位能斷水？哪位可排洪？做得講係一清二楚。

后稷：恩毋好用頭擺个老方法—防堵个方法，應該以地讓水。

大禹：(白) 著！著！著！應該用疏導摺堙障相結合个新辦法，也就係順天地自然，高个培土，低个疏浚成圳溝，除壅塞，開山鑿圳。疏就係使水分流，濬就係愛核沙，導就係愛挖河，引就係引水入大海。

△大禹、伯益、后稷等下

△舞者上，表演疏、濬、導、引个工作內容

△幕後：(唱【十二月採茶】)

正月裡來是新年，

手拿斧頭入山林，  
劈開高山摺峻嶺，  
愛使黃河水分流，  
劈高山，水分流，  
愛使黃河水分流。

二月裡來人落秧，  
手拿畚箕摺擔竿，  
核走河壩个沙仔，  
河水毋會來流竄，  
核走沙，莫流竄，  
河水毋會來流竄。

三月裡來三月三，  
手拿鑊頭摺沙鏢，  
改出一條新河壩，  
引水毋會來流竄，  
核走沙，莫流竄，  
河水毋會來流竄。

△眾舞者下

#### 【第四場 過門不入】

場景（一）：大禹家

人物：禹母、塗山女、大禹、大禹子啟

禹母：（唱【平板】）

我子治水三四載，  
老身在家空等待，  
媳婦孫仔都年少，  
毋知哪日正開懷？

（白）老身，有莘氏修己。配夫鯀，半夜無胚，該隻短命鬼，治水九年無效，續分堯賜死，害偌七早八早就來做寡婦。吾个俵仔禹也係「七月半个鴨仔」一無知死，自願去接厥爸个治水工作。講來講去，也係該隻死佬嫲「床上功夫」毋好，留毋核老公。害吾俵仔一走三、四年喔，無消無息。

（塗山女牽啟上，啟哭）

啟：（白）阿婆！阿姆！偌愛阿爸啦！仰般人人都有阿爸，只有偌無阿爸？

塗山女：（白）啟乖！啟乖！毋好吵阿婆！（塗山女強忍目汁）

禹母：（白）孤盲嫲、夭壽嫲，恁久無禹个消息，偌看早慢妳也變寡婦吔！

塗山女：（白）婆婆……

△屋內燈暗下來，講話聲音變小

△大禹上，企在屋後背遙望屋內，惆悵

禹：（唱【散平板】）

聽見母親个罵聲膠子兒个叫聲，

怎不教人痛心腸？

離家三四載、子兒從未見面，

女嬌在家奉老母、帶幼子、多心傷，

若見面、又驚惹老母火著、擔誤了行程！

（白）佢本來想愛進入屋肚安慰安慰老母膠阿嬌，捕捕未識見面个幼子。又驚阿姆受氣毋放佢走。佢還係無愛落去好咧！阿姆、阿嬌、啟兒，請你兜原諒啊！（大禹恬恬个離開）

場景（二）：大禹家附近河邊

人物：塗山女、大禹子啟、浣紗女

△治水六、七年後

△一群浣紗女在河壩洗衫褲

眾人：（唱【洗手巾】）

與姐呀河邊來洗手啊巾哪，洗呀洗手巾，

手巾呀跌落該水中啊心哪，水啊水中心，

哪位相公檢得起，手巾為記，

手巾為記，嚟啲結成親喔，結成親喔……

與姐呀河邊來洗綾啊羅哪，洗呀洗綾羅，

綾羅呀跌落該水中啊心哪，水啊水中心，

哪位相公檢得起，綾羅為記，

綾羅為記，嚟啲結公婆喔，結公婆喔……

△塗山女攞等洗衫籃、牽等啟上

塗山女：（白）眾姐妹恁早萓！

眾浣紗女：阿嬌姐妳也恁早！

啟：（白）阿姨早！

眾浣紗女：（白）細阿哥仔，你早！你幾多歲咧？還得人惜啲！

啟：（白，講北京話）我今年七歲。我讀臺北市石牌國小二年級……

眾人：（白）哈哈……

浣紗女甲：（白）聽講阿嬌姐結婚四日定定，老公就出外治水，到今毋識轉來！

浣紗女乙：（白）還衰過！屋下有寡母幼子愛照顧！

浣紗女丙：（白）佢講阿嬌姐呀！若老公恁久無消無息，恐驚早分大水打忒去了，將就嫁過好咧！

△塗山女受氣个企起

塗山女：（白）一馬毋配二鞍，一女毋嫁兩夫！

△啟拉阿姆个手

啟：（白）媽媽！佢肚屎粿，佢想食麥當勞！佢乜當想阿爸，帶佢去Tokiyō尋佢好無？順便去迪斯耐奈！

塗山女：（白）毋好吵！

△浣紗女戊、己，竊竊私語，堵好分塗山女聽著

浣紗女戊：（白）這隻細人仔，說不定係雜種！

浣紗女己：（白）係呀！哪有恁堵好，結婚四日就有身項？

塗山女：（白）你兜狗眼看人低，真是欺人太甚！

△塗山女受氣个拉等啟匆匆轉屋

△燈暗，眾浣紗女下。大禹在舞臺角落上

大禹：（唸【數板】）眼看妻子受人冷言語，不由偃心火起。本想行前來認妻、摺佢兜來論理，又驚耽誤了治水、還係繞過家門趕緊去。……

△大禹離開

場景（三）：大禹家禾埕

人物：塗山女、眾村女

△又再過三、四年

△塗山女、村女一片唱歌、一片許福

塗山女：（唱【月有情】）

大禹哪治啊水呀真勇啊敢哪嘍啲，

為國效勞哪保家鄉哪嘍啲。

離家哪十呀年哇未回家哪嘍啲，

千秋萬世啊名流芳哪嘍啲。

眾村女：（接唱）

巍巍哪大啊禹呀令人啊欽哪嘍啲，

峨峨華夏哪出賢人哪嘍啲。

祈求哪上呀天哇多庇佑哪嘍啲，

搭救萬民啊解倒懸哪嘍啲。

塗山女：（白）皇天在上，信女塗女嬌求你保佑吾个丈夫大禹，能夠早日完成治水个工作，使得黎民百姓都能夠過著安居樂業个日子。該係一個世外桃源，國內無人貪污、無人失業、無人犯罪，也無通貨膨脹問題，一斤青菜只愛五籮定定。天子也能夠愛民如子……。（大禹出現，塗山女嚇一下）

（白）丈夫你轉來咧？

大禹：（白）轉來咧！

△兩人相捕

塗山女：（白）正經？偃無發夢？（唱：【緊十二月採茶】）

新婚三日便外出，

在外已過數寒暑，

三過家門你不入，

幼兒問爺在何處。

濬河渠，鑿龍門，

胼手胝足形容枯！

大禹：（接唱【緊十二月採茶】）

我櫛急風、沐急雨，  
只為民飢民溺愛解除，  
你母子且在家安居，  
俚馬上愛走請寬恕。  
奉老母，教幼子，  
一切煩勞吾好賢妻！

合唱：大浪淘淘打石壁，親像催禹去！

△兩人分開，下

## 【第五場 三苗平定】

場景：山景

人物：阿農（扃膿）、華麗（滑痢）、湘女、大禹、伯益、后稷、苗兵、工人、九尾狐

△阿農、華麗上

阿農：（白）搶劫十過年，專做無本錢，恁久無搶劫，無搶斷火煙。

華麗：（白）油盞來扁車，日夜打家花，夫娘惡孽孽，毋敢轉屋下。

阿農：（白）在下，三苗大王阿農。

華麗：（白）俚係二大王華麗。

阿農：（白）滑痢！

華麗：（白）喂！講正兜仔，俚係華麗毋係滑痢！扃膿！

阿農：（白）喂！俚係阿農，立法委員「曾振農」該隻「農」，安到「阿農」毋係「扃膿」。聽講大禹已經將水患平息，又喊后稷等教人民耕種，故所瀟湘地區已經變成一個衣食豐足個魚米之鄉嘍！最近物價暴漲，耕種、上班恁辛苦，還係用搶較遽。今晡日天時恁好，恩兜就來去出門當堵好！

華麗：（白）好！裡背个！

內：（白）好！

華麗：（白）刀仔、弓箭帶好，下山搶劫去！

內：（白）喔！

△阿農、華麗下

△一群瀟湘女上，載歌載舞

瀟湘女：（唱【上山採茶】）

急急還係忙忙離了家哪噯啲，  
離了還係家中還係去割禾，  
阿姊還係割多妹割少哪噯啲，  
不論還係多少多少還係割回家。

急急還係忙忙離了家哪噯啲，  
離了還係家中還係去打漁，  
阿姊還係打多妹打少哪噯啲，  
不論還係多少多少還係打回家。

瀟湘女甲：（白）眾姐妹，你兜看今年大豐收，有魚又有米，正經愛感謝大禹、伯益、后稷佢兜治平大水，又教恩農耕个技術，恩正有恁好个生活好過！

瀟湘女乙：（白）係啊，若毋係大禹，恐驚恩愛變成魚仔摺鯿仔咧！

瀟湘女丙：（白）毋單止恁樣，佢還教恩華夏个文明！

瀟湘女丁：（白）恩遽遽來曬五穀！

△阿農、華麗等上。瀟湘女驚散

華麗：（白）大貨仔，這隻細阿姐黃蜂腰、鯽魚嘴，D單杯，捉轉去做壓寨夫人！

苗兵：（白）二大王，這隻像雞健嫻樣，肥磊肥磊，嶄然搞得喔！

阿農：（白）好，人摺五穀全部搶轉去！

△苗兵作搶劫个

瀟湘女：（白）救人啊！救人啊！

△大禹、伯益、后稷上。大喊

大禹：（白）放下！

阿農：（白）你係何人？

大禹：（白）大禹。

伯益：（白）伯益。

后稷：（白）后稷。

大禹：（白）你又係何人？

阿農：（白）三苗大王阿農。

華麗：（白）華麗。

△大禹、伯益、后稷笑

大禹：（白）扃膿、滑痢，偃勸你兜遽退兵，無偃就無客氣！

阿農：（白）可憤，你兜敢打壞吾買賣！眾嘍囉上

苗兵：（白）喔！

△工人領大禹、伯益、后稷，嘍囉領阿農、華麗分從兩側上

△工人、嘍囉對打，過場，下

△伯益、華麗對打，伯益輸，換后稷上

△華麗輸，下，后稷追去

△大禹、阿農對打，大戰三回，大禹以開山斧制服阿農

阿農：（白）大禹饒命，偃兜久久毋敢咧！

大禹：（白）你兜三苗个先祖本來就係帝堯个大臣，也有參加部落个聯盟，年年進貢，不應該起來作亂，搶劫財物哇！

華麗：（白）大禹大人大量，實在係因為最近經濟不景氣，正會出來搶劫哪！

大禹：（白）偃就饒赦你兜。不過愛照吾規定：天子帝畿以外五百里的地區安到「甸服」，再外五百里安到「侯服」，再外五百里安到「綏服」，再外五百里安到「要服」，最外五百里安到「荒服」。甸、侯、綏三服，進納不同的物品或者負擔不同个勞務。要服，毋使納物服役，只要求接受管教、遵守法制政令。荒服，則根據其習俗進行管理，不強制推行中朝政教。

阿農等：（白）偃兜知咧！多謝不殺之恩！（阿農等假裝快速離去，卻趁機掣蠱毒）看苗族蠱毒个厲害！（大禹等橫下，九尾狐趕來搭救，並將阿農等網起來）

九尾狐：（白）姑爺醒來！

大禹：（唱【採茶導板】）

三魂（哪）七（哪）魄渺渺茫（哪嚟唷），  
好像（哪）陰（哪）府陰府還係見（諾）無常！  
（白）狐妹，妳來了？

九尾狐：（白）姑爺我來了！還帶來一封小姐分你个信仔膠DVD。

△大禹看DVD个

大禹：（唱【平板轉平板雜唸仔】）

看老母妻子形影，不由大禹淚茫茫。子兒出世不在身旁，妻子幾多委屈在胸膛。不知不覺過了十過年，子兒已經入學堂。朝晨暗晡、老娘無人侍羹湯，發風落雨佢仍舊倚閭盼望。我自己腳無履、頭無冠，風塵僕僕、餐風宿露為黎民，不知何時闔家能團圓、全民得安康？

（白）阿姆！請恕子兒个不孝！阿嬌！請恕為夫無閒陪你shopping！啟兒！  
請原諒阿爸無時間陪你搞電腦！

九尾狐：（白）姑爺，你就毋好忒難過了！

大禹：（白）偌知了。待我發一封Email分賢妻就是！

△眾人下

## 【第六場 水平功成】

場景：舜帝宮殿

人物：舜、大禹、皋陶、伯益、后稷、眾大臣、太監、宮女

△眾宮女分從觀眾席兩側上

△眾太監分從觀眾席兩側上

△眾大臣分從舞臺兩側上

△舜上

舜：（唸）

珠簾高捲麝氤氳，  
文武玉階兩班分，  
祥光嘹唳金殿上，  
月光當空照一輪。

（白）寡人帝舜在位，派禹去治理洪水已經十三年嘍，聽講佢用疏導个方式，效果不差，但係未見他回朝述職。今日早朝，不知各位卿家有何奏摺要奏？

內：（白）大禹回朝。

舜：（白）姒卿家回朝，開殿門迎接。

△吹場

△大禹、伯益、后稷等上

舜：（白）賢卿！

大禹：（白）皇上！

舜：（白）賜綉。

大禹：（白）謝坐。

舜：（白）姒卿家，你治水成果如何？

大禹：（白）萬歲容秉。（唱【平板轉平板雜唸仔】）

臣治水導九山、導九川、分天下為九州。深入山林、斬木通道、測定地形、躬持刀斧、櫛風沐雨、胼手胝足。在外十三年、三過家門而不入。教異族農耕、學習華夏文明風俗。平定三苗，劃定甸服、侯服、綏服、要服、膠荒服。我也將各山川个土壤、物產、貢賦，紀錄詳細編成《禹貢》書，請皇上過目！

△舜接着《禹貢》

舜：（白）太好了！太好了！（唱【平板】）

大禹你治平水土，  
天个曆數在你躬，  
朕賜你玄圭一粒，  
你輔助我治民眾！

大禹：（唱【平板】）

我導九川注四海，  
后稷等把糧食送，  
百姓等安居樂業，  
我仰敢自伐其功？

舜：（白）卿家呀！你忒客氣嘍！

皋陶：（白）係啊！假使無大禹，佢兜可能就會變鯿仔膠魚仔咧！

舜：（白）禹啊禹！你係吾手臂、腳臂、耳公膠眼睛。佢想為民造福，你幫助佢。佢想觀天象，知日月星辰、作文繡服飾，你勸話佢。佢想聽六律五聲八音來治亂，宣揚五德，你幫助佢。你從來不當面阿諛背後誹謗佢。你以自己个真誠、德行膠榜樣，使朝中公正無邪。你發揚了佢个聖德，功勞忒大了！」

大禹：（白）豈敢！豈敢！

舜：（白）為了慶賀姒卿家个辛勞，特別賜酒三杯！賜酒！

宮女：（白）是！是！

△宮女端酒上

大禹：（白）謝皇上。（大禹連咁三杯）真是好酒！毋過…

舜：（白）毋過麼个？

大禹：（白）毋知係麼人造个酒？

舜：（白）係儀狄造个。

大禹：（白）這酒味道忒好咧，還係喊佢毋好再過造這種酒，不然將來定著會有人因為貪杯來誤事。

舜：（白）好！就照卿家个意思停止生產儀狄酒！來來來！眾位卿家，今天就來舉行慶功宴。

眾人：（合唱【桃花開】）（宮女婆娑跳舞）

今年收穫特別豐，  
綠野平疇全下種，  
氾濫洪水都退盡，

空中對對鳳摺鳳。  
好正好，  
空中對對鳳摺鳳。

係無大禹龍門鑿，  
樹葉樹皮定食空，  
係無禹將九川通，  
黎民飢寒浸水中，  
好正好，  
黎民飢寒浸水中。  
△切幕

尾聲

幕後：唱【山歌子】

安逸因循會將人葬送，  
食苦改革正會成功，  
大禹公正無私名留青史，  
今日人心貪污混亂、聖人難相逢！

【劇終】

### 創作理念

「大禹治水，三過家門而不入」的故事大家都聽過，可惜人心不古，許多人已忘記前人「公而忘私」的美德。

近日，臺灣發生了有史以來的十億元外交醜聞案。本週，中國的四川省更發生大地震，死傷無數，財產損失甚至高達六、七百億之多。四川自古以來人稱「天府之國」，其最主要原因是水利工程做得完善，物產富饒。在大地震之後，現在到處都是「海子」或「堰塞湖」，更需要有治水專家去為災民解決困難。

基於海峽兩岸最近發生的大事，故創作此劇，期望人人皆能效法大禹「公而忘私」的精神。

楊寶蓮

臺北市立教育大學中文博士班

